

07-May-2026

आकाशवाणी

खबरां विजय बजाज कोला,

खास-खास खबरां:-

1. बिहार दे मुखमंत्रि सम्राट चौधरी अज्ज अपने मंत्रिमंडल दा विस्तार करडन। प्रधानमंत्री नरेन्द्र मोदी- गृहमंत्री अमित शाह ते होरने बड़डे नेता बी इस कार्यक्रम च शामिल होडन।
2. केरलम च नमें चुने गेदे कांग्रेस विधायक अज्ज तिरुवनंतपुरम च अपने नेता गी चुनने लेई बैठक करडन।
3. समूलचा राष्ट्र पहलगाम आतंकी हमले दे परते च चलाए गेदे “ऑपरेशन सिंदूर” दी अज्ज पैहली बरें गंड मना करदा ऐ।
4. अमरीका ते ईरान खाड़ी संघर्ष गी खत्म करने आले शुरुआती समझौते दे नेडे पुज्जी गेदे न।
5. दिल्ली च औंदी 27 जुलाई थमां Thyagraj स्टेडियम च Common Wealth Table Tennis प्रतियोगिता -2026 दा आयोजन कीता जाहग।

<><><><><><>

Bihar Cabinet Expansion

बिहार दे मुखमंत्रि सम्राट चौधरी होर अज्ज अपने मंत्रिमंडल दा विस्तार करगंन। प्रधानमंत्री नरेन्द्र मोदी- केन्द्री गृहमंत्री अमित शाह ते NDA दे केई वरिष्ठ नेता- पटना दे गांधी मैदान च 12:10 मिन्ट पर होने आहले इस शपथ ग्रहण समारोह च हिस्सा लैगंन। साढ़े संवाददाता दी रिपोर्ट मुजब कैबिनेट दा विस्तार पिच्छली सरकार च कीते गेदे Formula दे आधार पर कीता जा'रदा ऐ। तकरीबन 15 बी.जे.पी दे ते 14 JD(U) दे विधायकें दी मंत्री दे तौरा पर शपथ लैने दी मेद ऐ। एदे इलावा लोक जनशक्ति पार्टी (रामविलास) दे दो मंत्री ते हिंदोस्तान आवाम मोर्चा ते राष्ट्री लोक मोर्चा थमां इक-इक विधायक दे शपथ लैने दी संभावना ऐ। मंत्रिमंडल च मते सारे पद BJP ते JD(U) दे परिचित विधायकें गी मिलने दी मेद ऐ। हालांकि किश नमें चेहरे बी शामिल कीते जाई सकदे न। JD(U) दे परिचित विधायकें गी मिलने दी मेद ऐ। हालांकि किश नमें चेहरे बी शामिल कीते जाई सकदे न। JD(U) दे निशांत कुमार दे नांस पर बी चर्चा होआ रदी ऐ।

<><><><><><>

Keralam Congress

केरलम दे नमें चुने गेदे कांग्रेस विधायक अज्ज तिरुवनंतपुरम च अपने नेता गी चुनने लेई बैठक करगंन। कांग्रेस दे नेतृत्व आले UDF ने राज्य दिएं 140 विधानसभा सीटें चा 104 सीटां जितियां न। UDF नेता- गवर्नर हुंदे तिरुवनंतपुरम पुज्जने परैन्त उन्दे नै मलाटी करडन। केरलम दे गवर्नर राजेन्द्र विश्वनाथ अर्लरकर हुंदे कोल तमिलनाडु दा बाददा कार्यभार बी ऐ ते ओह फिलहाल चेन्नेई च न।

<><><><><><>

Operation Sindoor

अज्जे दे दिन भारत आसेया “ऑपरेशन सिंदूर” चलाया गया हा। पिच्छले ब’रे 7 मई गी भारत नै “ऑपरेशन सिंदूर” शुरु कीता हा- जेहदे च पाकिस्तान ते पाकिस्तान दे नजैज कब्जे आहले कश्मीर च 9 आतंकी ढांचे उप्पर हवाई हमले कीते गे हे- जेहदे च घट्टो-घट्ट 100 आतंकवादी मारे गे हे। पिच्छले ब’रे 22 अप्रैल गी पैहलगाम च सैलानियें पर आतंकी हमले दा एह भारत दा पुक्खता जवाब हा। इस अभियान दी परिकल्पना आतंकवादियें गी सजा देने लेई कीती गई ही ते एहदा मकरद बन्ने पार आतंकवाद दे बुनियादी ढांचे गी खत्म करना हा। इस कारवाई दे नतीजें च 9 बड़्डे आतंकी कैपे गी तबाह करी दिता गेआ। 11 पाकिस्तानी हवाई अड्डे पर हमला कीता गेआ ते बड़्डे आतंकवादियें गी खत्म करी दिता गेआ हा।



Prez Vietnam

राष्ट्रपति द्रौपदी मूरमू होरें कल संज्ञा राष्ट्रपति भवन च वियतनाम दे राष्ट्रपति तो लाम हुंदा सुआगत कीता। राष्ट्रपति होरें उन्दे सम्मान च धाम दा आयोजन बी कीता। राष्ट्रपति होरें आखेआ जे भारत ते वियतनाम बश्कार उन्नत व्यापक रणनीतिक सांझ भ्याली कन्नै दौने देशें दे सैहयोग गी नमीं रफ्तार मिलोग ते खिते च शांति ते समृद्धि गी बढ़ावा मिलोग। तौंआई भारत ते वियतनाम ने डिजिटल तकनीकें- दुर्लभ खनिजें- मैडिकल नियमन- सार्वजनिक खेतर दे आडिट- डिजिटल भुगतान- संस्कृति ते सैलसफा दे खेतरें च कैई समझौतें पर दस्तखत कीते न। प्रधानमंत्री नरेन्द्र मोदी ते वियतनाम दे राष्ट्रपति तो लाम हुंदे बश्कार नमीं दिल्ली च होई दी गल्लबात दे मगरा इनें समझौतें पर दस्तखत कीते गे। मगरा जारी इक सांझे ब्यान च प्रधानमंत्री मोदी होरें ऐलान कीता जे दौने देसैं अपने सरबंघें दा स्तर बढ़ाइयें इनें’गी सामरिक सांझ-भ्यील दे स्तरें तोड़ी लैने दा फैसला लैता ऐ।



WB-Suvenndu Aide Killed

इक हरान करने आली घटना च पच्छिम बंगाल दे उत्तरी 24 परगना जिले दे मध्यमग्राम च बी.जे.पी. नेता सुवेन्दु अधिकारी दे करीबी सहायक चंद्रनाथ रथ दी अज्ञात हमलावरें गोली मारियै हत्या करी दिती। रिपोर्ट मताबक मोटर सैकल पर सोआर किश बदमाशें उन्दी कार दा पिच्छा कीता ते उन्दे पर अन्नेबाह गोलियां चलाई दितियां। चंद्रनाथ होरें गी तुरत नेड़े दे इक अस्पताल लैता गया जित्थे डाक्टरें उनेंगी मोए दा घोषत करी दिता। इस हमले च गड्डी दा डरैवर बी ज़खमी होआ ऐ। पुलिसा दे इक वरिष्ठ अधिकारी मूजब घटना दी जांच कीती जा रदी ऐ। अस्पताल दे डाक्टरें दस्सेआ जे चन्द्रनाथ दे दिलै च 2 गोलियां लगियां न। तौंआई बैरकपुर विधानसभा हलके थमां नमें चुने गेदे विधायक कौस्तव बागची होरें आरोप लाया ऐ जे इस हतेआ दी साजिश ममता बैनर्जी ते अभिषेक बनर्जी होरें रची ऐ। होर जानकारी गी बलगेआ जा रदा ऐ।



पच्छिम बंगाल च नमी चुनी गेदी बी.जे.पी. सरकार दा संगंध चुक्कने आला समारोह औंदे शनिवारें कोलकाता दे ब्रिगेड परेड ग्राउंड च रवीन्द्र जयंति दे मौके पर आयोजित कीता जाहग। पच्छिम बंगाल दे BJP अध्यक्ष शमिक भट्टाचार्य होरें कल राज्य सचिवालय नवान्न च वरिष्ठ अधिकारियें दे कन्नै बैठक लाइयै समारोह दिएं तयारियें ते चुनांस बाद हिंसा रोकने दे उपाएं पर चर्च कीती। उनें दस्सेआ जे पार्टी दे नमें चुने गेदे विधायक कल अपने संसदी दल दे नेता दा चुनांस करडन। शनिवारें बड्डलै 10 बजे होने आले शपथ ग्रहण समारोह च प्रधानमंत्री नरेन्द्र मोदी- गृहमंत्री अमित शाह ते BJP शासित राज्यें दे कैई मुखमंत्रिं दे शामिल होने दी मेद ऐ। उनें आखेआ कि जेगर ममता बैनर्जी- मुखमंत्री दे ओहदे शा इस्तीफा नैई दिंदियां तां बी समारोह पूरी चाल्ली संवैधानिक प्रक्रिया दे तैहत आयोजित कीता जाहग।



Shah WB Dry State

सरकार नै सोशल मीडिया पर प्रसारित होआ रदी इक तस्वीर गी गलत दस्सेआ ऐ। इस तस्वीर च दावा कीता गेआ ऐ जे गृहमंत्री अमित शाह होरें आखेआ ऐ जे 30 सितम्बर थमां पच्छिम बंगाल शराब मुक्त राज्य बनी जाहग। पत्र सूचना कार्यालय दी तथ्य जांच इकाई नै आखेआ ऐ जे एह तस्वीर नकली ऐ ते इसी डिजिटल तौर पर एडिट कीता गेआ ऐ। गृहमंत्री अमित शाह हुंदे आस्सेया ऐसा कोई बी ब्यान नैई दिता गेआ ते नां गै कोई ऐसी घोषणा कीती गेई ऐ।



US-Iran War

अमरीका ते ईरान खाड़ी संघर्ष गी खत्म करने आले शुरुआती समझौते दे नेडे पुज्जी गेदे न। सूतरें मूजब दौनै पक्ख इक सफे आले 14 सूत्री समझौता जापन पर कम्म करा रदे न। प्रस्तावित समझौते च ईरान आसेया परमाणु कार्यक्रम रोकने दी सैहमति शामिल ऐ- जिसले के अमरीका आसेया बंदिशें च ढिल्ल दिती जाहग। दौनै पक्खें आसेआ होर्मुज जल डमरु मध्य थमां आओ-जाई पर लगगी दिएं बंदिशें च ढिल्ल दिते जने दी बी मेद ऐ। अधिकारियें दा आक्खना ऐ जे एहदे बाद इक व्यापक समझौतें गी खीरी रुप देने लेई 30एं दिनें दी गल्लबात आली अवधि होग ते इस दरान समुन्द्री बंदिशएं ते खिते च अमरीकी नौसेना दी मजूदगी गी बल्लें-बल्लें घट कीता जाहग। एह बदलाव अमरीकी राष्ट्रपति डोनाल्ड ट्रम्प हुंदे आसेया गल्लबात च महान प्रगति दा हवाला दिंदे होई होर्मुज जलडमरु मध्य च अमरीकी नेतृत्व आले प्रोजैक्ट फ्रीडम गी अगड़ा पाने दे घोषणा दे बाद आया ऐ।



Common Wealth

दिल्ली च Common Wealth Table Tennis Championship 2026 दा आयोजन कीता जाहग। एदे च 35 मुख्य दे खडारी हिस्सा लैगन। एह प्रतियोगिता 27 जुलाई थमां 2 अगस्त तगर आयोजित कीती जाहग। दिल्ली दी मुखमंत्री रेखा गुप्ता

होरें आखेआ जे अंतराष्ट्रीय खेड्ढ सरबन्धी आयोजन करने दा दिल्ली दा पराना इतिहास ऐ। उनें आखेआ जे दिल्ली सरकार विश्व स्तरीय ढांचा- खडारिएं लेई सहूलत ते होर दुआ साजगार माहौल उपलब्ध करोआने लेई बचनबद्ध ऐ।

<><><><><><>

IPL

आई.पी.एल. क्रिकेट च कल रातीं Rajiv Gandhi अंतराष्ट्रीय स्टेडियम च खेड्ढे गेदे इक मैच च सनराईजर्स हैदराबाद नै पंजाब किंग्स गी 33 रन्ज कन्ने हराई दिता। 236 रन्ज दे लक्ष्य दा पिच्छा करदे होई पंजाब किंग्स नै तय 20 च 202 रन्ज बनाए। पंजाब किंग्स दे Cooper Connolly नै 59 गेदें च 107 रन्ज बनाए। सनराजर्स हैदराबाद लेई Pat Cummins ते Shivraj Kumar नै 2-2 विकट लैते। अज्ज रॉयल चैलेन्जर्स बेंगलूरु दा मुकाबला लखनऊ सुपर Giants कन्ने होग। एह मैच भारत रत्न श्री अटल बिहारी वाजपेई एक्कना क्रिकेट स्टेडियम च संत्रा साड्डे 7 बजे खेडेया जाहग।

<><><><><><>

Read by	:	Vijay Bajaj
Stand by	:	Shruti Khajuria
D.E.O.	:	Rajni Devi
Skilled	:	Rajat Paul
Editor	:	Kunal Shrivatsa